



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Confirmatio Ordinis & Foundationis per Eugenium Papam III.

urn:nbn:de:hbz:466:1-13591

fratres comūni consensu, aut pars consilij senioris, secundum Dei timorem & B. *Augustini* regulam Canonice prouiderint eligendum, Sepulturam quoq; ipsius loci liberam esse concedimus, ut qui se illic sepeliri deliberauerint, eorum deuotioni & extremæ uoluntati nullus obstat nisi forte fuerint excommunicati, salua tamen iustitia matricis Ecclesiæ suæ. Porro capellas quæ infra terminos parochialis Ecclesiæ fundatæ sunt, vel in posterum Deo fauente fundabuntur, regimini & iuri vestro confirmamur, & ne aliquis clericus sine concessione uestra teneat, vel contra interdictum uestrum in eis ministret, apostolica auctoritate prohibemus sicut iam dicti prædecessoris nostri B. memorie Pape *Lucij* priuilegio prohibitum esse dignoscitur. Decernimus ergo ut nulli omnino hominum liceat præfatam Ecclesiã temerè perturbare, aut eius bona vel possessiones auferre vel ablatas retinere, minuere, seu quibuslibet indebitis vexationibus, uel molestiis fatigare sed oia integra conseruentur, eorum pro quorum gubernatione & sustentatione concessa sunt usque omnimodis profutura, salua sedis apostolicæ auctoritate, & Salisburgensis Archiepiscopi canonica iustitia. Si qua igitur in futurum Ecclesiastica secularisue persona huius nostræ constitutionis paginam sciens contra eam temerè venire tantauerit, secundò teròque commonita, nisi reatum suum congrua satisfactione correxerit, potestatis honorisque sui dignitate careat eamque se diuino iudicio existere de perpetrata iniquitate cognoscat, & a sacratissimo corpore & sanguine Dei & Domini redemptoris nostri Iesu Christi aliena fiat, atque in extremo examine districtè ultioni subiacet. Cunctis autem eidem loco iusta seruantibus, sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant, Amen. Datum *Transiberim* per manum *Roberti* sanctæ Romanæ Ecclesiæ presbyteri Card. & Cancellar. V. Kalend. Februarij, indictione 9. Incarnationis Dominicæ Anno M. C. XLV. Pontificatus uero Domini *Eugenij* Pape III. Anno primo.

Confirmatio Ordinis & Foundationis per
Eugenium Papam III.

E*ugenius* Episcopus seruus seruorum Dei. Dilectis filiis *Henrico* Præposito Ecclesiæ Sancti *Zenonis Hallensis*, eiusque fratribus tam præsentibus quam futuris Regularem vitam professis. Quoniam sine uere cultu religionis nec charitatis unitas potest subsistere, nec Deo gratum exhiberi seruitium, expedit apostolicæ auctoritati religiofas personas diligere, & earum quieti auxiliante Domino prouidere. Ea propter dilecti in Domino filij venerabilis fratris nostri *Conr. Salisburgensis* Episcopi precibus inclinati, uestris iustis postulationibus, clementer annuimus, & præfatam S. *Zenonis* Ecclesiam, in qua diuino mancipati estis obsequio, sub B. *Petri* & nostra protectione suscipimus, & præsentis scripti priuilegio confirmamus. In primis siquidem statuantes, ut ordo Canonicus secundum B. *Augustini* regulam perpetuis ibi temporibus inuolabiliter conseruetur. Quas cunq; præterea possessiones, quæcunq; bona, tam ex dono præfati Archiepiscopi fundatoris loci uestri, quàm aliorum Dei fidelium, in præsentiarum iuste & canonicè possidetis aut in futurum concessione Pontificum, liberalitate Regum, largitione Principum, oblatione fidelium, seu aliis iustis modis præstante Domino poteritis adipisci, firma uobis uestrisque successoribus & illibata permaneant. In quibus hæc propriis duximus exprimenda uocabulis. Curram sitam ante portam eiusdem Ecclesiæ cum appendiciis suis, & prædium quod dicitur *Suante*, ex dono ipsius Archiepiscopi. Quic-

Quicquid juris habetis in decima salis qui coquitur de fonte *Halla*. Ex dono *Ebonis*, *Iacconis*, & *Babonis* aquas quas in eodem fonte ad sal coquendum habetis. Prædium situm in loco qui dicitur *Oocheim*, cum appendiciis suis. Ex dono *Sigbotonis* prædium quod dicitur *Vnchen*. Ex dono *Heinrici* filij *Etechonis* & fratris eius prædium quod dicitur *Nutzerpoum* cum omnibus pertinentiis suis. Statuimus ut in Ecclesiis vestris in quibus fratres vitam Canonicam professi degunt, nulli omnino post factam in locis vestris canonicam professionem exinde liceat sine communi congregationis permissione discedere, discedentem verò nullus audeat retinere. Si verò post secundam vel tertiam commonitionem redire contempserit, liceat eiusdem loci Præposito canonicam in eum proferre sententiam. Sane ipsa plebs *Hallensis*, sicut à jam dicto Archiepiscopo canonicè statutum est, à nullo successorum suorum vobis auferatur, sed in dispositione Præpositi nostri permaneant. Ad hæc adiicientes statuimus, ut capellæ, quæ infra terminos parochialis Ecclesiæ *Hallensis* fundatæ sunt, sicut ab ipso Archiepiscopo rationabiliter prouisum est, eidem matri Ecclesiæ subiaceant. In futuro autem, absque assensu Præpositi vestri, nouas in ipsa parochia capellas edificari prohibemus, salua nimirum sedis apostolicæ & proprii Episcopi auctoritate, sepulturam quoque ipsius loci liberam esse decernimus, ut eorum qui se illic sepeliri deliberauerint, deuotioni & extremæ voluntati, nisi fortè excommunicati vel interdicti sint, nullus obstat, salua iustitia matricis Ecclesiæ. Obeunte verò te, nunc eiusdem loci Præposito, vel tuorum quolibet successorum, nullus ibi qualibet surreptionis astutia seu violentia præponatur, nisi quæ fratres communi consensu, vel fratrum pars consilij sanioris secundum Dei timorem & *B. Augustini* regulam prouiderint eligendū. Decernimus ergò ut nulli omnino hominum liceat præfatum locum temerè perturbare, aut eius possessiones auferre, vel ablatas retinere, minuere, seu quibuslibet vexationibus fatigare, sed omnia integra conseruentur eorum, pro quorum gubernatione & sustentatione concessa sunt vsibus omnimodis, præ futura, salua sedis apostolicæ auctoritate, & Dioccesani Episcopi canonica iustitia & reuerentia. Si qua igitur in futurum Ecclesiastica secularisue persona huius nostræ constitutionis paginam sciens contra eam temerè venire contempserit, secundò tertioque commonita nisi reatum suum cõgrua satisfactione correxerit, potestatis honorisque sui dignitate careat, reamque se diuino iudicio existere de perpetrata iniquitate cognoscat, & à sacratissimo corpore & sanguine Dei & Domini redemptoris nostri Iesu Christi aliena fiat, atque in extremo examine districtæ ultioni subiaceat. Cunctis autè eidem locis sua iura seruantibus, sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant, Amen. Datum *Viterbi* per manum *Baronis* S. Romanæ Ecclesiæ Subdiac. X. Cal. Octob. Indict. decima, Incarnationis Dominicæ An. M. C. XLVI. Pontificatus verò Domini *Eugenij* PP. III. anno secundo.

Confirmatio foundationis, ordinis, Bonorum per

Adrianum PP. IV.

Adrianus Episcopus seruus seruorum Dei, dilectis filiis *Heinrico* Præposito Ecclesiæ *S. Zenonis Hallensis*, eiusque fratribus tam præsentibus quam futuris regularem vitam professis in perpetuum. Quoniam sine veræ cultu religionis nec charitatis unitas potest subsistere, nec Deo gratum exhiberi seruitium, expedit apostolicæ auctoritati religiosas personas diligere, & earum quieti auxiliante Domino, prouidere. Eapropter dilecti in Domino filij venerabilis fratris nostri

uu 4

Eberhar-